

Sporazum o snabdijevanju električnom energijom potpisan između Brčko Distrikta i entiteta

Pod pokroviteljstvom supervizora za Brčko, ambasadora Henry L Clarke-a, Vlada Brčko Distrikta i entitetske Vlade su danas u Brčkom potpisale Sporazum o implementiranju entitetskih obveza iz Konačne arbitražne odluke koje se odnose na snabdijevanje Brčko Distrikta električnom energijom.

Sporazum regulira međusobne odnose iz oblasti pravnih, ekonomskih, tehničkih i drugih značajnih pitanja, u svezi sa načinom snabdijevanja Brčko Distrikta električnom energijom, kao i razvoj prijenosne i elektrodistributivne mreže na teritoriji Brčko Distrikta i bližeg okruženja.

Sukladno Sporazumu, Brčko Distrikt će osnovati Pododjel za elektrodistribuciju koji će nuditi jedinstvene tarife i nivoe usluga svim potrošačima. Pododjel će biti jedini distributer električne energije u Distriktu i imati će slobodu izbora dobavljača električne energije bilo iz BiH, ili inozemnog(ih) dobavljača. Pododjel će raditi pod izravnom kontrolom Vlade Brčko Distrikta do uspostave neovisne nadzorne/regulatorne agencije ili komisije.

Sporazum također rješava sve nesporazume financijske prirode koji su nastali na osnovu električne energije isporučene Brčko Distriktu.

Za detaljnije informacije molimo vas da se obratite Suzani Pejčić, djelatnici zaduženoj za odnose sa javnosti OHR-a

Sjever, na telefon 049-205-666 ili 066-133-526.